

Zeitschrift: Annalas da la Societad Retorumantscha
Herausgeber: Societad Retorumantscha
Band: 88 (1975)

Artikel: Rapport dil cussegl da scola
Autor: Candinas, Theo
DOI: <https://doi.org/10.5169/seals-231683>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 16.08.2025

ETH-Bibliothek Zürich, E-Periodica, <https://www.e-periodica.ch>

Benedetg Caminada 1905—1974

Que ho do ün temp inua ils bgers placats da teater in Surselva portaivan cun grands custabs il nom Benedetg Caminada. Quaunts teaters, burlescas e satiras ch'el ho tradüt e scrit svess il decuors dals ans! Ils merits per la cumedgia rumauntscha sun grands ed eir in avegnir as faro adöver da sieu arcun. Oriund da Vrin eira Benedetg Caminada naschieu a Medernal suot Mustér. El avaiva imprais chalger ma lura banduno quella vocaziun per dvanter rapresentant da firmas e zieva as ho el prasto scu guardiaun da pas-cha chantunel durant bgers ans. Daspera ho el scrit sias laviours ed eir sto ün activ collavuratur dal Radio rumauntsch. La culminaziun da sieu success ais probabel sto la preschiantaziun d'ün da sieus töchs teaters a Cuoir.

Dr. Giusep Condrau 1894—1974

Bain il pü prominent dals defunts da l'an 1974 ais sto l'antierur cussglier naziunel, president da las Chambras Federelas, redactur ed editur, Dr. Giusep Condrau. Sieus merits e sia carriera extraordinaria sun gnieus undros da maniera intensiva illa pressa ed il periodics. La Lia Rumauntscha ho dürant decennis na be gieu ün stret contact cul defunt in sia funcziun da redactur e hom politic, ma bain eir in caracter commercial, perche la Stampa Romontscha Mustér ho squitscho innumbrabels stampats da las pü diversas spartas. Dr. Sep, scu el gniva numno aint il pövel, eira naschieu dal 1894 a Mustér e mort a la fin dal 1974 a l'ospidel a Glion. Il grand hom da la Cadi posa sül sunteri da sogn Gion a Mustér.

Pierin Ratti, parsura

Rapport dil cussegli da scola

Las scolettes fuorman in crap da cantun per la tgira ed il manteniment da nies lungatg mumma. Quei vala surtut per vitgs e vischnauncas nua ch'igl ambient romontsch en famiglia e sin via ei buca pli intacts. Perquei crescha l'impurtonza dallas scolettes ad in crescher. Bunas scolettes san denton vegnir garantidas mo da bunas mussadras. Pertscharts da quei fatg, dedichescha la LR tutta attenziun alla formaziun da sias mussadras. Nus prendein perquei bugen la caschun d'orientar dil far e demanar en nies seminari da mussadras.

La davosa jamna da zercladur 74 han 9 scolaras concludiu il cuors da dus onns cul diplom da mussadra romontscha. Sco experts han ils commembres dil cussegli da scola funcziunau. Nus gratulein allas novas mussadras e giavischein ad ellas success e satisfacziun en lur clamada. Ina delegaziun dalla «cumissiun svizra per damondas d'instrucziun» ha medemamein assistiu als examens. Sin fundament da lur rapport vegen «l'uniun svizra per scolettes» a decider davart la renconuschientscha da nies seminari.

Ils 2 da settember ha igl onn da scola 74/75 entschiet cun in cuors niev. Dallas 13 scolaras ein 12 internas ed ina externa. Las scolaras digl internat ein autonomas en lur survigilonza. Quei sistem para da secumprovar. Per mitschar il prighel d'isolaziun fan tut las internas part dalla Montana u dil Chor romontsch dils scolars cantunals. Ils 5 da settember ei stau in di tut special, essend che nus vein giu l'autla viseta da cusseglier federal Hürlimann cun ina delegaziun parlamentara. L'entira bagascha ha assistiu ad ina lecziun da metodica, dada sco adina, per romontsch, da sora Florentina. Silsuenter ha l'illustra societad priu investa dil plan d'instrucziun e digl internat.

Ina jamna da concentratzion all'entschatta d'october ei stada dedicada alla tgira ed il tractament d'affons pigns. A sora Angelina Schnoz-Candinas engraziein nus per l'oreifra instrucziun. La medema jamna han las scolaras absolvii in cuors d'emprem agid en cass d'accident. Suenter las vacanzas d'atun dils 14—19 d'october ha l'instrucziun priu siu decuors regular. Per integrar successivamein las candidatas a lur ambient professiunal eisi impurtont da prender contact cun las mussadras en la practica. En quei senn han las scolaras priu part alla radunanza generala dalla CMR dils 7/8 da november a Breil. Medemamein han elllas frequentau il di da lavur dall'«uniun da mussadras». Cheu ein elllas vegnidias confruntadas cun ina nova tecnica da figuris da Casperet e da marionettas e lur pusseivladads da giug.

Las jammes suenter las vacanzas da Nadal ein las scolaras vegnidias preparadas intensivamein en la metodica a vesta da lur emprem practicum. Ferton che nus stein per scriver questas lingias, secattan elllas gia en las scolettes da nos vitgs per seschar introducir els misteris dalla practica. Quei practicum che cuoza dils 27 da schaner als 8 da fevrer stat sut la reschia dalla directura. Per serevegnir dallas maltscheccas e cultivar las forzas fisicas ed il spert da cumionza serenda l'entira cumpignia silsuenter cun sora Florentina en in camp da skis sil alp Quader sur Breil. Giuvna Lucrezia Willi, mussadra a Tinizong surpren l'instrucziun da skis. Agl «uffeci cantunal per sport e giuventetgna» savein nus bien grau per il sustegn finanzial. El decuors dalla primavera suonda in secund practicum da quendisch dis en scoletta. E duront las vacanzas da stad finalmein absolva mintga scolara in practicum social da treis jammes en ina famiglia romontscha. Il settember entscheiva lu il secund e davos onn d'instrucziun.

Cun in cert panzieri constatein nus ch'il seminari cantunal per mussadras ha

prolunghiu per gl'avegnir lur scolaziun sin treis onns. A vesta dalla munconza da plaz e dil basegns urgent da mussadras romontschas veginin nus bein strusch a saver far quei pass. Tonpli stuein nus tener a quen il meglier pusseivel il temps che stat a disposiziun.

Pertscharts dalla gronda e buna laver prestada, engraziein nus per finir a sora Florentina, a tut ils magisters, e tgi ch'ei sestentaus sin ina moda ni l'autra per la scolaziun da nossas mussadras.

Per il Cussegli da scola LR
Il president: Theo Candinas

Nossas societeds affliedas

Societad Retoromontscha

Igl onn vargau ei staus empau pli ruasseivels che siu antecessur, quei che astga legrar la suprastonza e ses gremiums. La laver dalla societad crescha denton ad in crescher. Schiditg che la prestaziun resta e crescha astga quei denton buca stermentar.

1. Il Dicziunari rumantsch grischun (DRG)

Cumpari ein ils fascichels 75, 76 e 77, strusch 200 paginas che cumpeglan ils plaids da FEMNA tochen FLOMMA. Denter auter cattein nus igl interessant artechel FILADE la roda da filar, bein documentaus era cun maletgs e fotografias. Capeivel ch'il DRG anfla adina pli e pli biars interessents, buc il davos era denter ils Romontschs en ed ord nossas scheinas.

Cun la fin digl onn scada il conclus federal che segirava la finanziaziun dall'ovra. Denton ei il Fondo naziunal sedeclaraus promts da surprender silmeins per la gronda part quella carga, pil mument denton mo enteifer ils tiarms sco tochen dacheu ed era quei mo per sis meins. Nus sperein che la primavera porti meglieras novas.

2. Las Annalas

Dallas Annalas ei cumpariu igl 87avel volum, quei gia la primavera sco